



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 17 » may

№ 304

Toshkent sh.

2021 йил ҳосили учун экилган бошоқли дон ҳосилини ўз вақтида ва сифатли ўриб-йиғиб олишни ташкил этиш чора-тадбирлари тўғрисида

Республикада коронавирус пандемияси даврида ички бозорда дон ва ун маҳсулотлари барқарор мавжуд бўлишини таъминлаш, аҳолига арзон ва сифатли озиқ-овқат маҳсулотлари етказиб бериш ҳамда 2021 йил бошоқли дон экинлари ҳосилини қисқа муддатларда нес-нобуд қилмасдан ўриб-йиғиб олишни мақбул муддатда сифатли ташкил этиш мақсадида Вазирлар Маҳкамаси қарор қилади:

1. Ғалла етиштириш, харид қилиш ва сотишга бозор тамойилларини кенг жорий этишни мувофиқлаштирувчи Республика кенгаши (кейинги ўринларда – Республика кенгаши):

жаҳон бозори конъюнктураси ва минтақавий биржаларда кутилаётган дон нархлари ҳамда хўжаликларнинг дон етиштириш харажатлари таҳлилидан келиб чиқиб дон ва ун маҳсулотлари нархи кескин ошиб кетишининг олдини олиш чораларини кўрсин;

Қорақалпоғистон Республикаси Вазирлар Кенгаши, вилоятлар ва туман (Кувасой шаҳар) ҳокимликларининг таклифларидан келиб чиқиб ички бозорда дон ва нон нархлари барқарорлигини таъминлаш тадбирларини амалга ошириш учун 2021 йил ҳосилидан давлат ресурсларига товар ва уруғлик дон харид қилиш ҳажмини 1-иловага мувофиқ амалга оширсин.

2. Қорақалпоғистон Республикаси Вазирлар Кенгаши, вилоятлар ва туман (Кувасой шаҳар) ҳокимликлари, Ўзбекистон Республикаси Қишлоқ хўжалиги вазирлиги, Ички ишлар вазирлиги, Фавқулодда вазиятлар вазирлиги, Транспорт вазирлиги, Молия вазирлиги ҳузуридаги Қишлоқ хўжалигини давлат томонидан қўллаб-қувватлаш жамғармаси, Ўзбекистон фермер, деҳқон хўжаликлари ва томорқа ер эгалари кенгаши, “Ўзагросервис” акциядорлик жамияти ва унинг ҳудудий филиаллари, “Ўздонмахсулот” акциядорлик компанияси ҳамда дон корхоналари раҳбарлари ғалла ўрим-йиғими мавсумида ғалла ўриш комбайнларидан, дон ташиш учун жалб этиладиган барча турдаги транспорт воситаларидан самарали фойдаланишни, шунингдек, дон қабул қилинадиган шохобчалар, хирмон майдонлари, дон тозалаш машиналарининг узлуксиз ишлашини ва бошқа моддий-техника ресурсларидан унумли фойдаланишни ташкил этсин.

3. Ўзбекистон Республикаси Қишлоқ хўжалиги вазирлиги, Қорақалпоғистон Республикаси Вазирлар Кенгаши, вилоятлар ва туманлар ҳокимликлари, “Ўздонмахсулот” акциядорлик компанияси ва унинг жойлардаги дон корхоналари, ғаллачилик кластерлари раҳбарлари, Вазирлар Маҳкамаси ҳузуридаги Агросаноат мажмуи устидан назорат қилиш инспекцияси 2022 йил ҳосили учун бошоқли дон экинлари уруғлигининг ўз вақтида ва сифатли жамғарилишини таъминласин. Бунда уруғлик дон сифатининг кафолатли бўлишини таъминлаш мақсадида уруғлик ғаллани ўриш учун алоҳида ўрим-йиғим отрядларини шакллантирсин ҳамда уруғлик доннинг алоҳида сақланишини ташкил этсин.

4. “Ўздонмахсулот” акциядорлик компанияси Вазирлар Маҳкамаси ҳузуридаги Давлат захираларини бошқариш кўмитаси, Агросаноат мажмуи устидан назорат қилиш инспекцияси билан биргаликда “Ўздонмахсулот” акциядорлик компанияси тизимидаги элеватор ва дон қабул қилувчи ва қайта ишловчи корхоналардаги мавжуд дон “ноль”га тозаланиши ва хатловдан ўтказилишини таъминласин ҳамда товар дон (буғдой)ни хатловдан ўтказиш натижалари ҳақида 2021 йил 15 июнга қадар Вазирлар Маҳкамасига маълумот берсин.

5. 2021 йил ҳосили учун экилган ғаллани ўз вақтида ва сифатли ўриб-йиғиб олишга кўмаклашувчи республика ишчи гуруҳининг таркиби 2-иловага мувофиқ тасдиқлансин.

Республика ишчи гуруҳи (Ғаниев) қуйидаги вазифаларнинг бажарилишига кўмаклашсин:

2021 йил ғалла ҳосилини қисқа муддатда нес-нобуд қилмасдан ўриб-йиғиб олишни ташкил этиш;

янчилган донни ташиш ва қабул қилиш учун етарли миқдорда ёқилғи мойлаш материаллари захирасини яратиш;

ички бозорда дон нархлари барқарорлигини таъминлаш тадбирларини амалга ошириш учун бошоқли дон харид қилиш бўйича тузилган контрактация шартномаларининг бажарилиши ва қабул қилинган дон учун ўз вақтида ҳисоб-китоблар амалга оширилиши юзасидан мониторинг олиб бориш;

хўжаликлар ихтиёрида қоладиган қўшимча ғаллани ташкилий-ҳуқуқий шаклидан қатъи назар, дон қабул қилувчи ва қайта ишловчи корхоналарда ва ғаллачилик кластерларига ички бозорда шаклланган нархларда сотишни ташкил этиш ва сотилган ғалла учун ўз вақтида ҳисоб-китоб қилиниши юзасидан мониторинг юритиш;

бошоқли дон экинлари пишиб етилишидан келиб чиқиб, зарурат бўлган ҳолларда, ғалла ўрим-йиғимида қатнашадиган юқори унумли ғалла ўриш комбайнлари республиканинг бир ҳудудидан иккинчи ҳудудига ўтказилишини ташкил этишда амалий ёрдам кўрсатиш.

6. Ўзбекистон Республикаси Давлат статистика қўмитаси Иқтисодий тараққиёт ва камбағалликни қисқартириш вазирлиги, Қишлоқ хўжалиги вазирлиги, “Ўздонмахсулот” акциядорлик компанияси билан биргаликда:

ғалла етиштириш ва ички бозорда дон нархлари барқарорлигини таъминлаш тадбирларини амалга ошириш учун бошоқли дон харид қилиш ҳажмлари тўғрисида тақдим этилаётган статистик ҳисоботларнинг ишончлилиги бўйича қатъий назорат ўрнатсин;

ташкилий-ҳуқуқий шаклидан қатъи назар, барча дон қабул қилувчи ва қайта ишловчи корхоналардаги ва ғаллачилик кластерлари билан биргаликда ҳақиқатда қабул қилинган дон бўйича статистик ҳисобот маълумотлари белгиланган тартибда Вазирлар Маҳкамасига киритиб борилишини ва ҳисобот маълумотларини бузиб кўрсатиш ҳолатлари аниқланган тақдирда, айбдор шахсларга нисбатан қонунчилик ҳужжатларида назарда тутилган жавобгарлик чоралари кўрилишини таъминласин.

7. “Ўзагросервис” акциядорлик жамияти 2021 йил ҳосили учун экилган бошоқли дон экинлари ўрим-йиғимида қатнашадиган юқори унумли ғалла ўриш комбайнларининг икки сменада тўхтовсиз ишлашини таъминлаш учун зарур чора-тадбирларни белгиласин.

Вазирлар Маҳкамаси ҳузуридаги Агросаноат мажмуи устидан назорат қилиш инспекцияси “Ўзагросервис” акциядорлик жамияти билан биргаликда 2021 йил 20 майга қадар 2021 йил ғалла ўрими мавсумида қатнашадиган мавжуд ғалла ўриш комбайнлари мулк эгалари томонидан тўлиқ таъмирдан чиқарилиб мавсумда тўхтовсиз ишлаши учун эҳтиёт қисмлар захираси яратилишини ҳамда Агросаноат мажмуи устидан назорат қилиш инспекциясининг махсус сертификатлари асосида қабул қилинишини таъминласин.

8. Қорақалпоғистон Республикаси Вазирлар Кенгаши ва вилоятлар ҳокимликлари Ўзбекистон Республикаси Ички ишлар вазирлиги, Миллий гвардия ҳамда Фавқулодда вазиятлар вазирлиги билан биргаликда йўлларда ғалла ўрим-йиғимида қатнашадиган техникаларнинг ҳаракатланиши хавфсизлигини таъминлаш, етиштирилган ҳосилнинг талон-тарож қилинишига ва нобуд бўлишига йўл қўймаслик ҳамда ёнғинлар келиб чиқишининг олдини олиш юзасидан зарур чора-тадбирлар амалга оширилишини таъминласин.

9. Ўзбекистон Республикаси Энергетика вазирлиги, “Ўзбекнефтгаз” акциядорлик жамияти билан биргаликда ёқилғи-мойлаш материалларининг зарур захирасини яратсин ҳамда ҳосилни йиғиштириб олиш, ташиш ва тайёрлаш билан банд бўлган қишлоқ хўжалиги корхоналари, машина-трактор парклари ва бошқа ташкилотларга олдиндан тўловлар асосида белгиланган тартибда етказиб берилишини ташкил этсин.

10. Мазкур қарорнинг бажарилишини назорат қилиш Ўзбекистон Республикаси Бош вазирининг Аграр ва озиқ-овқат соҳаларини ривожлантириш масалалари бўйича ўринбосари Ш.М. Ғаниев зиммасига юклатилсин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2021 йил " **17** " майдаги **304** -сон қарорига
1-илова

**Қорақалпоғистон Республикаси ва вилоятларда 2021 йил ҳосилидан давлат
ресурсларига товар ва уруғлик дон харид қилиш
ҲАЖМИ**

Т/р	Худудлар номи	Жами	Шундан	
			товар дон	уруғлик дон
1	Қорақалпоғистон Республикаси	90 100	76 850	13 250
2	Андижон	197 428	178 378	19 050
3	Бухоро	135 572	120 472	15 100
4	Жиззах	209 268	177 043	32 225
5	Қашқадарё	313 428	270 228	43 200
6	Навоий	85 035	75 135	9 900
7	Наманган	175 978	159 038	16 940
8	Самарқанд	235 400	206 000	29 400
9	Сурхондарё	203 220	180 020	23 200
10	Сирдарё	190 228	168 978	21 250
11	Тошкент	266 040	238 530	27 510
12	Фарғона	258 528	233 428	25 100
13	Хоразм	74 200	65 900	8 300
ЖАМИ:		2 434 425	2 150 000	284 425

Вазирлар Маҳкамасининг
2021 йил “17” майдаги 304 -сон қарорига
2-илова

**2021 йил ҳосили учун экилган ғаллани ўз вақтида ва сифатли
ўриб-йиғиб олишни ташкил этиш бўйича республика ишчи гуруҳи
ТАРКИБИ**

Ш.М.Ғаниев	-	Ўзбекистон Республикаси Бош вазирнинг аграр ва озиқ-овқат соҳаларини ривожлантириш масалалари бўйича ўринбосари, <i>Ишчи гуруҳ раҳбари</i>
Ж.А.Ходжаев	-	қишлоқ хўжалиги вазири, <i>Ишчи гуруҳ раҳбари ўринбосари</i>
С.С.Нишанбаев	-	ички ишлар вазирининг ўринбосари
Ш.Ж.Тешаев	-	қишлоқ хўжалиги вазирининг биринчи ўринбосари
О.Р.Исаков	-	молия вазирининг ўринбосари
И.И.Норқулов	-	иқтисодий тараққиёт ва камбағалликни қисқартириш вазирининг биринчи ўринбосари
А.Х.Қўлдошев	-	фавқулодда вазиятлар вазирининг биринчи ўринбосари
Б.Р.Норматов	-	энергетика вазирининг ўринбосари
Р.Д.Усманов	-	транспорт вазирининг ўринбосари
А.Д.Вахабов	-	Вазирлар Маҳкамаси ҳузуридаги Агросаноат мажмуи устидан назорат қилиш инспекцияси бошлиғи
Д.И.Холмуродов	-	Давлат статистика қўмитаси раисининг биринчи ўринбосари
Д.Н.Сатторов	-	“Ўзстандарт” агентлиги бош директори
Ф.Ж.Пўлатов	-	“Ўздонмахсулот” акциядорлик компанияси бошқарув раиси
Р.М.Хайитов	-	“Ўзагросервис” акциядорлик жамияти бошқарув раиси
А.А.Исроилов	-	Қишлоқ хўжалигини давлат томонидан қўллаб-қувватлаш жамғармаси директори
Р.У.Маматқулов	-	АТ “Агробанк” бошқаруви раиси
Б.Х. Маменов	-	Ички ишлар вазирлиги бошқарма бошлиғининг ўринбосари
Ж.А.Каримов	-	Ички ишлар вазирлиги бошқарма бошлиғининг биринчи ўринбосари
Ф.А.Абдурахмонов	-	“ЎзКейссервис” ҚК бош директори
С.Н.Адилов	-	“ЎзКлаассервис” МЧЖ директори
М.М.Иргашходжаев	-	“Интеграл агро марказ” МЧЖ директори

